

隋智者大師述

唐

章安大師句
湛然大師記

妙法蓮華經文句記

冊 下

中華佛教文獻編撰社 敬印

一九九三年七月十五日校訂合刊初版

有 所 權 版

記句文經華蓮法妙
下卷

究 必 印 翻

登記證新聞局版台業字第零肆肆伍號

講述：隋智者大師
筆錄：唐章安大師
句記：湛然大師
出版：中華佛敎文獻編撰社

台北縣石碇鄉吊橋一號
郵政劃撥〇〇一九九九一—二號
電話：六六三一八九六
流通：天台止觀實踐堂

台北市西寧北路九十二號三樓
電話：五五六四六四九
五五八一五九八
玉泉山法濟寺

台北縣石碇鄉吊橋一號
電話：六六三一八九八
承印：普文企業有限公司
台北市中華路一段76巷23號
電話：三三一六四三五
三三一二七一五

目錄

妙法蓮華經文句記(卷第二十一)		一二〇五
妙法蓮華經文句記(卷第二十二)		一二六八
妙法蓮華經文句記(卷第二十三)		一三二七
妙法蓮華經文句記(卷第二十四)		一三八八
妙法蓮華經文句記(卷第二十五)		一四五四
妙法蓮華經文句記(卷第二十六)		一五一六
妙法蓮華經文句記(卷第二十七)		一五七七
妙法蓮華經文句記(卷第二十八)		一六三五
妙法蓮華經文句記(卷第二十九)		一六九四
妙法蓮華經文句記(卷第三十)		一七五七

妙法蓮華經文句記下卷（卷第二十一）

記諸比丘如來下，第二合譬，先正合，後舉譬，帖合而不次第。如來亦復如是下，初合第五導師譬。今爲汝等下，第二合第三多諸人衆譬。知諸生死煩惱惡道險難下，第三合第二險惡道譬。長遠二字，第四合第一百五由旬譬。應去應度者，第五合聰慧明達，亦是合第四欲過險道，至珍寶處也。

諸比丘！如來亦復如是，今爲汝等作大導師！

〔記〕今爲汝等作大導師，爲合多諸人衆者，此以能將顯於所將。

知諸生死煩惱惡道，險難長遠應去應度。

記若衆生但聞下，合第二將導譬，譬本有三，今亦合三。若衆生合第一所將人衆也。但聞一佛乘者，合第二退大接小譬。若衆生住於二地下，合第三減化將至寶所譬也。第二譬本有退大接小，今具合之，上退大有三意。但聞一佛乘者，合上中路懈退無機意也。不欲見佛，不欲聞法，合上白導師，不受誠勸也。便作是念者，合上不能前進息化意也。

若衆生，但聞一佛乘者，則不欲見佛，不欲親近，便作是念：佛道長

遠，久受勤苦，乃可得成。

已佛知是心下，合上小接退，譬本有四，今合但三，佛知是心，合上導師多方便，擬宜意也。怯弱下劣者，合上此等可愍，知有小機也。而於中道爲止息故下，合第三現作化城，衆人入城譬也。

佛知是心，怯弱下劣，以方便力，而於中道爲止息故，說二涅槃。

〔句〕而於中道說二涅槃者，三界惑盡，塵沙、無明未破，於此兩楹，判有餘、無餘涅槃，亦是聲聞緣覺涅槃。又分段已盡，變易未除，二死之間，判爲有餘無餘，故言中道云云。

〔記〕說二涅槃者下，此中三釋，具如前文，約煩惱生死及智。初文約惑。次文約二乘，是約智也。後文約生死。言中道下云云者，二死中間名爲中道，當知亦可作空有二邊，共、不共、眞俗、權實大小等說之。

已若衆生住於二地下，合第三將至寶所，上文有二，今合亦二。若衆生住於二地，此合知止息已。如來爾時卽便爲說下，此合將向寶所。

若衆生住於二地，如來爾時，即便為說，汝等所作未辦，汝所住地，近於佛慧。當觀察籌量，所得涅槃，非真實也。但是如來方便之力，於一佛乘，分別說三。

已如彼導師下，第二牒譬帖合，牒接退譬，來合施三；牒滅化譬，來合顯一，如文云云。

〔記〕如文下云云者，令引文耳。

如彼導師！為止息故，化作大城。既知息已，而告之言：寶處在近，此城非實，我化作耳。

已第二偈頌四十九行半偈，頌上，上有二：今初二十二行半，頌結緣之由。次二十七行，頌第二正結緣。上由有近遠，今初二行頌上遠由；次無量慧世尊下十行半，頌近由。

上遠由有二：今初六行，頌大通成道，次六行頌十方梵來請轉法輪。上成道中有五，今初三行，頌第二將成道前事。

爾時世尊！欲重宣此義，而說偈言：
大通智勝佛，十劫坐道場，佛法不現前，不得成佛道！

諸天神龍王，阿修羅衆等，常雨於天華，以供養彼佛！
諸天擊天鼓，並作衆伎樂，香風吹萎華，更雨新好者，

已次過十小劫以下，第二二行，頌第三正成道。

過十小劫已，乃得成佛道！諸天及世人，心皆懷踴躍！

已次彼佛十六子下，第三三行，頌第五、十六子，請轉法輪，兼頌第四成道已，眷屬申供養，略不頌第一佛壽長遠也。

彼佛十六子，皆與其眷屬，千萬億圍繞，俱行至佛所，
頭面禮佛足，而請轉法輪，聖師子法雨，充我及一切，

已世尊甚難值下六行，頌十方梵請。上有二：今初一行，頌威光動耀。

世尊甚難值！久遠時一現，為覺悟羣生，震動於一切，

已次東方諸下，第二五行，頌十方梵尋光而來。此中前三行，頌東方。次二行，總頌九方也。

東方諸世界，五百萬億國，梵宮殿光曜，昔所未曾有？

諸梵見此相，尋來至佛所，散華以供養，並奉上宮殿，請佛轉法輪，以偈而讚歎！佛知時未至，受請默然坐，三方及四維，上下亦復爾，散華奉宮殿，請佛轉法輪！世尊甚難值！願以本慈悲，廣開甘露門，轉無上法輪。

已從無量慧世尊下，第二十行半，頌近由。上有二：今初五行，頌第一轉二乘法輪。次時十六王子下，第二五行半，頌第二重請轉大乘法輪。上第一文復三：初無量下半行，頌第一受請。

無量慧世尊！受彼衆人請，

已次爲宣下，第二一行半，頌第二正轉二乘法輪。

爲宣種種法，四諦十二緣，無明至老死，皆從生緣有，如是衆過患，汝等應當知！

已次宣暢下，第三三行，頌第三時衆聞法得道。

宣暢是法時，六百萬億垓，得盡諸苦際，皆成阿羅漢！

第二說法時，千萬恒沙衆，於諸法不受，亦得阿羅漢！
從是後得道，其數無有量，萬億劫算數，不能得其邊！

卅時十六王子下五行半，第二王子重請，中有七：初二句頌第一王子出家。

時十六王子，出家作沙彌，

卅次皆共請彼下，第二行半，頌第二正請轉大乘。

皆共請彼佛，演說大乘法，我等及營從，皆當成佛道！
願得如世尊，慧眼第一淨！

卅次佛知童子下，第三三行，頌二萬劫中間，說方等般若。

佛知童子心，宿世之所行，以無量因緣，種種諸譬喻，
說六波羅密，及諸神通事，分別真實法，菩薩所行道！

卅次說是法華下，第四半行，正頌第四受請說法華。

說是法華經，如恒河沙偈，

已次彼佛說經以下，第五一行，頌第七說經已入定，略不頌第三父王所將八萬求出家，第五聞經之衆，有解不解。第六說經時節長久也。

彼佛說經已，靜室入禪定，一心一處坐，八萬四千劫，

已足諸沙彌等下，二十七行，頌正結緣。上文有二：今初八行，頌法說。次十九行頌譬說。上法說有三：今初三行，頌第一昔結因緣。次一行，頌第二中間相值。次四行，頌第三今日還說法華。

上昔結因緣有四：初半行，頌佛入定。次爲無量億下，第二一行半頌正覆講。後一一沙彌下，第三一行，頌聞法得益。略，不頌第四佛起定稱歎也。

是諸沙彌等，知佛禪未出，爲無量億衆，說佛無上慧！
各各坐法座，說是大乘經，於佛宴寂後，宣揚助法化！
一一沙彌等，所度諸衆生，有六百萬億，恒河沙等衆。

已次彼佛滅度後下，第二三行，頌中間相遇。

彼佛滅度後，是諸聞法者，在在諸佛土，常與師俱生！

卅是十六沙彌下，第三四行，頌今日說法華。上文二：初結會古今，有現在未來。今初三行，頌結會現在師弟也。

是十六沙彌，具足行佛道，今現在十方，各得成正覺！
爾時聞法者，各在諸佛所，其有住聲聞，漸教以佛道！
我在十六數，曾亦為汝說，是故以方便，引汝趣佛慧！

卅以是本因緣下，第二一行，頌還說法華。上文有三：今初一句，頌第一時衆清淨，以是本因緣，今日時衆免難機發也。次今說法華下，第二三句，頌第二爲說是經也。略，不頌第三釋開三意也。

以是本因緣，今說法華經，令汝入佛道，慎勿懷驚懼！

卅險惡道下，第二十九行，頌譬開合。初十一行半頌開譬。後七行半頌合譬。上開譬爲二：今初三行，頌五百由旬譬。次八行半，頌將導譬。

上五百譬有五：今初一行，頌第二險惡道。次無數千萬下，第二半行，頌第三多諸人衆。次其路甚下，第三半行，頌第一百五由旬。次時有一導師下，第四一句，頌第五一導師。強識有下三句，頌聰慧明達也。不頌第四。

譬如險惡道，迴絕多毒獸，又復無水草，人所怖畏處，無數千萬衆，欲過此險道，其路甚曠遠，經五百由旬，時有一導師！強識有智慧，明了心決定，在險濟衆難！

已衆人皆疲倦下，第二有八行半，頌第二將導譬。上文有三，今亦頌三：初二字頌上第一將導。

從皆疲倦下，第二五行三句三字，頌第二衆人懈退，權立化城譬。次導師知以下，第三二行半，頌第三減化引至寶所譬。

上第二文有二：謂初懈退，次接退。今初三句三字，頌懈退。次五行，頌作化接退。上懈退中
有三，今略不頌第一中路也。

〔記〕上懈退中三，今略不頌第一中路，又不頌第三不能復進，文缺。

衆人皆疲倦，而白導師言：我等今頓乏，於此欲退還！

已上接退作化文，今皆具頌。初一行，頌第二傷失大。次尋時思下，第二三句，頌第一作念。

導師作是念：此輩甚可愍！如何欲退還？而失大珍寶！
尋時思方便，當設神通力。

卅次化作大城下，第三二行半，頌第三作化。上文又二：今初一行半，頌正作化譬。

化作大城郭，莊嚴諸舍宅，周市有園林，渠流及浴池，
重門高樓閣，男女皆充滿！

〔句〕諸舍宅者，諸空觀境也。園林者，二乘總持無漏法林也。九次第定為渠流。八解為浴池。重門，是三空門，又是重空三昧。盡無生智，為樓閣高出也。男女是定慧也。

觀心解者，智體周備如城隍，善法圓足如郭之圍繞，畢竟空為舍宅，直善能成自行，如男能幹家事，慈悲外化，如女外適。

〔記〕重空三昧者，『大論』云：無相無相，乃至無願無願。觀心釋化，亦須約圓。

卅次卽作是化以下，第二二行，頌上說化。

卽作是化已，慰衆言勿懼，汝等入此城，各可隨所樂！

卅次諸人既入下，第四一行，頌第四入城。

諸人既入城，心皆大歡喜！皆生安穩想，自謂已得度！

卅導師知息以下第三兩行半，頌第三減化至寶所。上文有二：今初一句，頌第一知息已。次集衆下，第二二行一句，頌減化引向寶所也。

導師知息已，集衆而告言：汝等當前進，此是化城耳！
我見汝疲極，中路欲退還，故以方便力，權化作此城，
汝今勤精進，當共至寶所！

卅我亦復如是下，第二七行半，頌第二合二譬。初半行，頌合第一百五譬。次七行頌合第二將導譬。上合五百又有四，今半行總頌而已也。

〔記〕頌合譬中，經云爲一切導師，文云合五百者，即導師譬。五百由旬，從所行說。

我亦復如是，爲一切導師！

卅見諸求道者，兩行頌合懈怠退譬，上頌開譬，不頌中路。今一行合中路懈怠，次一行，頌合接退作化也。

見諸求道者，中路而懈怠，不能度生死，煩惱諸險道，
故以方便力，爲息說涅槃，言汝等苦滅，所作皆已辦！

已既知到涅槃下，第二五行，頌第二合滅化至寶所。上文合二，今頌亦二：初半行頌第一知息已。爾乃集大衆下，第二三行半，頌第二合滅化引向寶所也。

既知到涅槃，皆得阿羅漢，爾乃集大衆，為說真實法！諸佛方便力，分別說三乘，唯有一佛乘，息處故說二，今為汝說實，汝所得非滅，為佛一切智，當發大精進！汝證一切智，十力等佛法，具三十二相，乃是真實滅！

〔句〕合息化偈中，即有三德秘密藏義。汝證一切智，即是般若具三十二相，即是法身。乃是真實滅，即是解脫三法不縱不橫，即是見佛性也。

〔記〕上頌開中，不頌中路者，亦是文略。應云：亦不頌不進，今頌合中路，又無餘二。不縱不橫，具如『止觀』第二第三，及『玄』文三法。

已諸佛之導師下，一行，頌帖合也。

諸佛之導師！為息說涅槃，既知是息已，引入於佛慧！

五百弟子受記品第八

〔句〕釋「五百弟子受記品」，此品具記千二，而標五百者，何五百得記名同？五百口陳領解，故以標品耳。

〔記〕釋「五百弟子受記品」，先標五百，故須作受字，五百是數等非要。

此品是因緣說中第二段，就得記有二：一、千二百。二、二千。千二復二：一授滿願。二授千二百。滿願復二：一序默領解。二如來述記。先敘其得解歡喜，次敘其默念領解。歡喜復二：一敘其得解之由。二敘其得解歡喜。得解之由有四：初聞法譬二周，開三顯一。二授身子等五大弟子記。三復聞宿世結緣之事。四復聞諸佛如來，三達無礙，觀彼久遠，猶若今日。卽是自在神通之力，斥異二乘，止齊八萬也。

爾時，富樓那彌多羅尼子，從佛聞是智慧方便，隨宜說法！又聞授諸大弟子阿耨多羅三藐三菩提記；復聞宿世因緣之事；復聞諸佛有自在神通之力。

〔句〕若從佛聞是智慧，即領方便火宅中顯實。方便隨宜所說，即領兩處開